

آبونه شرائطی : هریر ایچون
 سنه لکی (۴۰۰) آلتی آیلغی
 (۲۲۵) ممالک اجنیه ایچون
 سنه لکی (۴۵۰) آلتی آیلغی
 (۲۵۰) غروشدور.

نسخه سی ۷,۵ غروشدور .
 سنه لکی ۵۰ عددور .

اداره خانه : باب عالی جاده سنده
 رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
 قبول اولنور . درج ایدله یین
 یازیلر اعاده اولماز .

الدوره

آدره من تبدیلنده ایرلیجه
 غروش کوندرملیدر .

مکتوبلرک امضالری واضح
 و او قوناقلی اولسی و آبونه
 صره نومروسی محتوی
 بولونسی لازمدور

ممالک اجنیه ایچون آبونه
 اولانلرک آدرسلرینک
 فرانسزجه یازلسی رجا اولنور .

پاره کوندرلدیکی زمان نهیه
 دائر اولدیغی ییلدیلسی
 رجا اولنور

اتبعون اهدکم سبیل الرشاد

صاحب و مدیر
 اشرف ادیب

باش محرر
 محمد ماکف

والله یهدی من یشاء الی صراط مستقیم

آنحقی بوحیات دنیا به طایفه دندر . چونکه ذره قدر بر اغبرار ، ذره قدر برالم حس ایتمه یورم . جزا کز نه اولورسه اولسون ، بونک اهمیت یوقدر . چونکه بنم دعوام حکومت ایله در . بر شخص ایله دکلدر . حکومت بوزوق اولدقدن صوکره حکومت مأمورندن خیر او مولاماز . سوزلرمی عین موقعده طوران بویوک برادر و بالینک عین وضعیته ایکن سویله دیکی سوزلره بتیره حکم :

« الك اغیر جزای ویریکنز . چونکه سز جزای ویریورکن بنم حقمده بلکه بر آرز شفت حس ایدرسکنز . حال بوکه بن سزک جزا کزی دیکله یور ایکن ذره قدر بر اندیشه حس ایتمه حکم . »
حاکم افندی سوز اوزادی . آریلق زمانی کلدی . بوراده آره مزده کچمن حادثاتی تاریخ قید ایده جکدر . بز بو حادثه بی برلکده احداث ایلدک . سز حاکمک صندالیه سندن ، بن جانیلر موقعندن بو حادثه بی احضار ایتدک . بزدن صوکره کله جکلر ایچون عبرت تشکیل ایده جک اولان بواشی آرتیق بیره لم . مورخ بکله یور . استقبالی بواشی اتمام ایتمه مزه انتظار ایدیور . چونکه بو محکمه نك ایشی بیتدکن صوکره دیگر بر محکمه نك قابوسی آچیله جقدر . بو محکمه قانون الهی محکمه سیدرا .
صوک

اسناد محقق محمد علی عینی بک افندی به

کچنکی مقاله مک چوق اوزامه سی حسیلله ایکنجی مبحثی ایکنجی مقاله مه بیراقش ایدم اولری ده یازینیورم :
۱ — من عرف نفسه فقد عرف ربه

بو وجیزه مبجله « احادیث مشهره » دندر . « حدیث » لفظی علی الاطلاق سوز وبالخاصه اکا بردن مأثور وجیزه لر معناسنه اولمقله دوزدنچی عصره یعنی آرتیق علم حدیثک جمع وتدوینی کاله ایرنجیه قدر (ذات لاهوتی سمات نبوت پناهی ، اصحاب کرام ، تابعین ، تبع تابعین ، ائمه مجتهدین وسائر اجله دین) دن منقول بالجله وجائز کونا کون مقصدله انواع تألیفانده ضبط اولونمشدر . ایلك مؤلفلر احکام دینی به طایفه اثرلرنده بالاده کی ذوانک اقوالی قاریشدر مشلر وجهه سنک کلمات جلیله سندن ده نقل ایله مشلدر . تربیه دینی به ، زهدیاته ، اخلاقه متعلق اثرلرده بونلرک انواعی مسطوردر . بره یالکنز اقوال نبویه بی حاوی اولانلر واردرکه معلوم کتب احادیثدر . بونلرک اکثری صحیح وضعیف وموضوع ناملریله اوچ بویوک اقسامی شامل احادیثی حاویدر . بمضیلری (صحاح) نامی آلتنده آنحقی صحیح حدیثلری جمع ایتمشلردرکه (صحاح سته) [۱] بو جمله دندر . رسول الله افندیمزه افترا اوله رق

[۱] (بخاری ، مسلم ، ابوداود ، نسائی ، ترمذی ، ابن ماجه) بمضیلری (ابن ماجه) یرینه (موطن) ی ترجیح ایتمشدر . (بخاری ومسلم) آریجه (صحیحین) دیرلر .

بر طایفه منقولات واردرکه بونلره (احادیث موضوعه) دیرلر . (ابن الجوزی ، امام صنعانی ، علی القاری) تألیفاتی اولان (موضوعات) کتابلری مشهوردر . برده راویسی نقل ایدله یه رک السنه ناسده (ضرب مثل) کبی تداول ایدن کلاملر واردرکه بونلره (احادیث مشهره) دیرلر . بونلرک ایچنده بالاده سویله دیکم کلماتک هپسندن بولونور . یعنی حدیث پیغمبری نك انواعندن ، اصحاب وتابعین الخ آثارندن ، حتی اسکی شعرك بر مصرعی بیله بولونور . بونلردن بعضلری بزم خلقمزک لساننده بیله شایع اولمشدر . (ضرب مثل) لریمزک ایچینه صوقولمشدر . عوام ناس ، بلکه علم حدیث ایله مشغول اولمایان بعض خواص [۲] بونلردن خلیسی احادیث نبویه صاندقلری جهته بعض علما بونلری جمع ایدوب کونا کون ناملره افراد ایله مشلر واوو جائزک کیملره منسوب اولدیغی واونک حقتنده علما طرفندن نلر سویله نیلدیکی آنک ضمنتده بیان ایتمشلردر . موضوعلر اولان اثر مناسبتیه کتبخانه مده بو علمه دائر موجود اولان آثاردن بحث ایدیله جکدر .

احادیث مشهره دن برقاچ مثال :

اتقوا فراسة المؤمن فانه ينظر بنور الله — غریب ، ضعیف ، موضوع [۳]
اختلاف امتی رحمة — لاصلله ، ضعیف
اذا لم تستح فاصنع ما شئت — صحیح
اذا جاء القضاء عمی البصر [۴]
اذکروا موتاکم بالخیر [۵]
استفت قلبک — صحیح
اشتدی ازمتنه تنفرجی — موضوع
اطلبوا الخیر عند حسن الوجوه — موضوع ، ضعیف ، حسن
اطلبوا العلم ولو بالصین — موضوع
ان الله جمیل یحب الجمال — صحیح [۶]
ان من الشر لحکمة — صحیح
انا عند ظن هند ربی — صحیح
انا عند المنکسرة قلوبهم — موضوع
انا مدینه العلم وعلی بابها — موضوع
ایاکم وحضراء الدمن — موضوع
الارواح جنود مجنده الخ — صحیح
الاعمال بالنیات — صحیح

[۲] امام غزالی ، امام الحرمین کبی اجله بو میانده در . فقهای حنفیه نك قسم اعظمی ده محدثلکه معروف دکلدر .
[۳] حقتنده شواوچ تورلو حکم ویرلشدر . دیمکدر . اختصاره رطایت ایچین بویله یازیلدر .
[۴] احادیث مشهره کتابلرنده بو عباره یوقدر . فقط بوکا یاقین وبومأله حدیثلر واردرکه جمله سی بر اصل صحیحه دلالت ایدر .
[۵] احادیث مشهره کتابلرنده بو عباره ایله یوقدر . بزده بو عباره ایله شایع اولمشدر . فقط بو عباره به مشابه ویاخود بومعناده اوله رق (صحیحین) دن ماعدا کتب سندنه کورولیور . (حسن) درجه سندنه برقوقی اولدینی اکلاشیلیور . زیاده تفصیله مقاله منر مساعد دکلدر .
[۶] شراح حدیث بوراده (جمال) دن مقصد تمیزلک وشراف ووقاری محافظه در دییورلر . کوزلک دکل .

ریسفی عارف کیمدر (طرزنده رسول الله اقدیمزه بر سؤال ایراد ایدلش . اقدیمزده (نفسی اک ای بیلن) [۲] بویورمشلردر .
علی القاری نک مشهور (موضوعات) نده بالاده کی منقولاً تمز مجلاً
ایراد قیلنمشدر . یالکز شو نکته تی علاوه ایله مش : بو (من عرف الخ) کلامی (ومن یرغب عن ملة ابراهیم الا من سقه نفسه) آیت کریمه سندن مستفاد . «انتهی»

لغز قیلندن اولان بو کلامک حلی شویله اولسه کرکدر : ابراهیم علیه السلامک ملتی یعنی دینی توحیددر . یعنی (معرفة الله) در . بو معرفة الله دن انحق سفیه النفس اولانلر ابواعراض ایدرلر . (سفیه النفس) که دقتلر ، صایغیسر ، عزت نفس صاحبی اولمایان ونفسنک ، ذاتنک حقیقت کالنی بیلیمه یز ذلیل النفسدر . شیخ غالبک :

خوشجه باق ذاتکه کیم زبده عالمین سن
مردم دیده اکوان اولان آدمین سن

نکته مولویه سندن خبردار اولمایان عادی ، زبیدی کیمسه لره دیرلر .
شو تفصیلاتدن شویله بر خلاصه چیقار :

«من سقه نفسه ای سهی وجهل نفسه فقد جهل ربه = نفسی بیلیمه یز
ریسفی ده بیلیم .» بونکده عکسی بالطبع شویله اولور :
ومن عرف نفسه فقد عرف ربه = نفسی بیلن ریسفی ده بیلیم . والله اعلم .

امام سخاوی نک (المقاصد الحسنة فی بیان کثیر من الاحادیث المشتهرة علی الاسنة) نامنده کی اثری ایسه جمله سنک مأخذی اولوق اعتباریله بالاده کی منقولاً تمزدن فضله بر شی سویله مه مکدهدر . یالکز (ابن السمعانی) نک (قواطع) ده (یحیی ابن معاذ) اسناد ایتدیکی کلام (حسن ، قبح عقلمیدر ، شرعیمیدر؟) مبحثده ایمش .
(المقاصد الحسنة) نک خلاصه سی اولان (تمیز الطیب) فضله بر سوز یازمامشدر .

ابو الفضل المقدسی (تذکره الموضوعات) ده ذکر ایتمه مکله بونک (حدیث موضوع) اقسامندن دخی اولمادیغنه ذاهب اولمشدر . زیرا محققین حدیث عنندنه بو کلامک اصلی هیچ ثابت دکدر . یعنی (حدیث موضوع) بیله صایلمز . چونکه (حدیث موضوع) بالانجیلانی ثابت اولان کیمسه لره عنعنه سیله حضرت پیغمبر اقدیمزه برسوزی اسنادله (بو کلام رسول اللهدر) دییه نقل ایله دکری کلامدر . معلومدر که بالانجی دینیلن کیمسه نک بعضاً دن کرچکدن حضرت پیغمبر اقدیمزدن عیسی اوله رق بر حدیث روایت ایله مسی محتملدر . بو ، بیر رسول الله اقدیمزه - یالاندن حدیث اسناد ایدنلر ایچنده بعضاً آبدال صوفولرده وار . بک مشهوردر که صوفونک بری (خلق حکما ومتکلمینک لافلریله مشغول اولوب قرآن کریمک قرائتی اونوتمشدر) دییه (فضائل قرآن)

[۲] سئل علیه السلام من اعرف الناس بربه قال اعرفهم بنفسه

نمونه اوله رق یالکز (الف) حرفندن اسکی یولده اوقومش یازمش اولانلریمزک جمله سنه مجهول اولمایان (احادیث مشتهرة) دن بر مقدارنی غایت مختصر اوله رق یازدم . بر فرصت بولورسه علم حدیثک غایت نادر حقایقی شامل بر مقدمه ایله (احادیث مشتهرة) دن بزده مشهور اولانلری مختصر ومفید شرح ایتک ایسترم .
شیمدی (من عرف نفسه فقد عرف ربه) اثرینه کله لم .

امام سیوطینک نسخه سی اندر (الحاوی) نامنده کی یوزه قریب رسائلنی شامل بویوک بر اثرنده برساله دخی بواثرک تحقیقی شاملدر . اثرک علم حدیثه عائد وضعیق حقنده دییورکه : بو حدیث (صحیح) دکدر . امام نووینک فتاواسنده بو بابده واقع اولان سؤاله جواباً بویورمشلرکه : ابواثر (ثابت) دکدر . ابن تیمیّه ده بو فکردهدر . زرکشی (احادیث مشتهرة) سنده (ابن السمعانی) دن نقلاً بونک اکا بر صاحبی اسلامدن (یحیی بن معاذ الرازی) نک کلامی اولدیغنی سوبله مشدر . اثرک بو قسمنه دائر سیوطینک بیانی بوندن عبارتدر . (اسنی المطالب فی احادیث مختلفة المراتب) ده بو کلام (ابوسعید الخراز) اسناد اولومشدر .

ینه نسخ نادرده دن اولان و (احادیث مشتهرة) نک اک مفصللرندن بولونان (کشف الحفا ومزیل الالباس مما اشهر من الاحادیث علی السنة الناس) عنوان طویلنی شامل شیخ اسماعیل عجلاونی نک بر اثرنده سیوطینک بالاده کی منقولاتی سرد ایدلدکن صوکره ابوالمظفر بن السمعانی نک (قواطع) ده کی قوانی ده (مرفوع اوله رق معروف دکدر) طرزنده نقل ایدیور . ابن الغرس بالاده کی منقولاتی اصول مستحسنة مؤلفین اوزره نقل ایله دکدن صوکره کندی طرفندن (فقط کتب صوفیه بونکله مالیدر . شیخ محیی الدین عربی ایله دیکرلری بر حدیث سوق ایدر کی بونی ده ایراد ایلرلر . فقط جامع الصغیر شارحی شیخ حجازی واعظ [۱] استادیمز بزه بویوردی که : شیخ محیی الدین عربی حضرتلری حفاظ حدیثدن معدوددر . بعض یارانمز دیدی که : شیخ محیی الدین حضرتلرینک بوبابده بیانی شویلهدر : کرچه بو حدیث روایت طریقله ثابت دکسه ده بزم نزدیمزده کشف طریقله ثابت اولمشدر) دییوب امام سیوطینک بوبابده (القول الاشبه فی حدیث من عرف نفسه فقد عرف ربه) نامنده برساله سی اولدیغنی بیلدیره رک سوزینه ختام ویریورکه مذکور رساله بزم بومقاله من منقولاً تنه اساسدر . ینه (کشف الحفا) دیرکه : نجم الدین الغزی (اتقان ما یحسن من الاخبار الدائرة علی اللسن) نامنده کی بو علمه دائر اثرنده دیمشدر که : امام ماوردی (ادب الدینا والدین) حضرت عائشه دن نقلاً (انسانلر ایچنده

[۱] علمای رومنددر . فضل وکالیله علمای عربک مقبول اولمشدر . ذاتاً مکرمه ده اقامت ایله دیکی جهته (حجازی) نامنی آلمشدر . عربی ، فارسی ، تورکی اشعاری واردر . درویشان عاشقان مولویه دندر .

حقنده بر جوق حدیث اویدورمش و کندیسی اعتراف ایله مشدر . بویله صوفولر ایچنده بر جوق ده کرچکدن حدیث نبوی بی ایشیتوب روایت ایدن بوله مزمی ؟ بو ایکی . امام بخاری کی بعض مسائله غایت تعصب کوسترن ذوات ؛ کندی مشربنده اولمایانلرک روایتی قبول ایله مش و بلکه ده بفضلینک (جرح) نده افراط ایدرک (تضعیف) و حق (تکذیب) ایله مشلردر . مثلاً حضرت بخاری امام اعظمی صاحب رأیدر دیه منقولاتی قبول ایله مش ، بلکه بر جوق محله ضمناً مؤاخذه ایلر . امام اعظم اقدیمز حضرتلری ایسه بالجمله ائمه نك اعظمی اولدینی محققدر ، بناء علیه امام بخاری و امام احمد ابن حنبل درجه سنده کیلر اولماسه بیله بر قسم محدثینک بویله تعصب الجاسیله بعض آزاده مشرب راویلری تضعیف و یا تکذیب ایله مشی قابل دکلیدر ؟ خصوصاً بالآخره - ائمه نك رأی و رضاسی خلافت اوله رق - ناملرینه مذهبلر احداث ایدیلوب ده هر مذهب رجالی ایچنده مذهبی اصول و قواعدنی تأیید و ترجیح غیرته دوشدکری هنکامده کندی ایشلرینه کله ن حدیثی جرح و تضعیف ، کن ضعیفی دخی تصحیح ایله ن فضله غیرت کشلر بولوندینی محققدر . بناء علیه : براز داهافراط ایدوب ده ضعیفی دخی موضوع درجه سنده ایندیرن اوله مازمی ؟ نیته کیم (ابن الجوزی) مشهور (موضوعات) نده کتب صحاحده بولونان بعضی احادیثی موضوع عد ایله دیکی مشوردر .

امام سیوطینک (اللآلی المصنوعه فی الاحادیث الموضوعه) نامی آلتنده ابن الجوزی موضوعاتی تصحیح ایچین اوچ جلد کیری وارددر . یحیی ابن معاذ الرازی به ، یاخود ابوسعید خرازه اسناد اولونان اشبو کلامک بر کره اوداتلرک برینک کلامی اولدیغه دلیل ایستر . چونکه بوکلام بوذاتلرک آغزندن صدور ایله سه بیله محتملدرکه انلرا ایشیتدکری کلام رسول اللهی راویسز نقل ایتمش اوله بیایرلر . بعض اصحاب بیله بویولده کلام رسول اللهی مفهوماً سویله مشلردر . نیته کیم امام ماوردینک نقل ایله دیکی (سئل علیه السلام من اعرف الناس بر به قال اعرفهم بنفسه) حدیثی دخی بونی مؤیددر . چونکه بو (من عرف نفسه فقد عرف ربه) اثرینک مؤکد طرزنده عیندر . كذلك علی القارینک استنباطنه کوره آیتله دخی بو معنا مؤیددر . واجله عرفای اسلام اولان محققین صوفیه نك قبولله مشیددر . بوندن طولای شیخ اکبر حضرتلری بو اثرک علی طریق الشهود تصحیح ایدلمش احادیثدن اولدینی سویله مشدر . نم اعتقادیمچه هر بررلری مجتهد مستقل اولان وعین زمانده کلام الله و کلام رسول الله علمنده صاحب رسوخ بولونان اولیاء اللهک شهودی اوله مجرد باشی خرقه یه چکوب دوشوندیکی اثناسنده رؤیا کورور کی کوکله بردن بره (فلان کلام حدیثدر) و یاخود (اصولاً تحقیق ایدن فلان حدیث شهوداً صحیح دکلدر) دیه

اولی ویرمه سندن عبارت دکلدر . بلکه بزر کی قلبلری دنیانک انواع غوائلله مالی اولمایان و اصلاً قلبی قارایجی خواطرله صارصیلمایان ، مرآت بحلا کی حکمت عرشیه و واردات لاهوتیه به تجلیگاه بولونان شیخ اکبر اقدیمز کی امثالی عالم اسلامه دکل ، بوتون جهان به نادر کیش ذوات ، خلوتکاه قدسیلرنده هر هانکی مسئله بی تدبر ایدرلر سه ناظر لوح محفوظ اولان بصر بصیرتلینه او مسئله به متعلق نفیر و قطمیر بالجمله مباحث اصلیه و فرعیه نجلی ایدیلرک او مسئله بی تحقیق نه ایسه قیل قدر فرقی اولماق اوزره عیناً و اطرافیه کورور و آنکچون هر نوع تحقیق و بیانلری محض حقیقت اولور . آخر زمانک عجزه متصوفه سی اکا برک آثارینی اطرافیه او قویوب مشارب قدسیلرینی بحق تدقیقه اوشندکارندن و بناء علیه اونلری تقدیر ایدرک قابیلنده اولماق قدرندن همان (حق ارنلر هر شیئه قادرلردر . اونلر ایچین ارباب تشبث احتیاجی اوله مش . اول دیدکری اولور و السلام) کی غیر عملی و خلاف عقل و حکمت بر لاف متعصبانه ایله ایشی قاپاتیرلر . قلبی مضطرب ایدن ، مشکللرینی حل ایتک ایستین برنویازک سؤاللرینه ده اونی منکره اهل صورت تهمتنه دوشورن بر مقابله ایله باقوب و یا عقلنه بر نظر فیرولاب کندی قابلیتسز لکلرینی ستر ایتک ایسترلر . بعض کامللرک بعض مسائلی ذات نبوتیناهینک روحانیت جللیله لرندن استمداد ایله حل ایتهلری دخی بالاده کی معروضاتم وجهله هر مسئله نك اصول و فروعیله نظرنده تجلی ایدرک او بایده حقیقت هر نه ایسه بعینه ظهورندن عبارتدر .

جاهل و بی ادراک کیمسه ولی اوله مش . هله حقیقه جسمانی برجنونه دوچار اولان جوشقونلر هیچ بر رسالکی ارشاد ایله مش . بالجمله اولیاء الله کرام یا نرم بیلدیکمز شکله اولاً تحصیل علوم دینیله یله رک و یاخود کامللرک اوزون مدت مهلتلرنده بولونه رق کندی طریق سیر وسلو کنده مجتهد مطلق اولماقجه ولی الله مرتبه سنده ایریشمزلر . اونلرک تبرکاً مذاهدن برینک مقلدی کورونملری اسلامیتک صوری انتظامی خللدار ایتمه مک کی بر سبب مشکور الجاسیله در .

شونی بیلما لی که بوی بوی هر صنف پیشوایان اسلامدن هر عصرده دخی تجدید ایدنلر والی ماشاء الله تجدید ایدرک چکلر میاننده کی مجددین مرشدین ایچنده هیچ علوم ظاهریه و باطنیه غیر واقف ذوات یوقدر . جمله سی کلین مجتهدیندن واجله عارفین و اصلیندنلر . برولی هم حقه و اصل اوله جق درجه ده اک فاض مراتب تحقیقی قطع ایتسین ، هم ده علوم دینیه و فروع فقهیه نك مأخذلرینه عارف اوله مایه جق درجه ده عاجز بر مقلد بولونسون و بناء علیه اسباب وصول الیهی اولان عبادات و اعمالنده خطا ایدرک و یاخود بر مقتضای تقلید عدم یقینی الجاسیله کور کورینه و بلاذوق عباداتی ادا ایله یله رک یعنی نه ییچیم عبادت ایتدیکنک کندی فرقنده اولماسین . هیچ بویله انسانلری حق یولنه ارشاد ایدن ولی الله و واصل الی الله اولورمی ؟

بناءً علیہ ؛ بونک منقطع ویا مرسل ، حتی ضعیف وبلکہ موضوع بر حدیث اولمسی در پیش ایدلسہ بیلہ ہر حالہ مآلاً بر حدیث و بر آیتہ مشابہ اولمسی دائماً قدسیتی محافظہ ایلر . (موضوع) دیدیکمز حدیثلر بیلہ الک آشغیسی دوردنجی عصر ہجر اجلہ محدثینک مروایاتی میانندہ بولونان آثار اولغلہ ہر حال وکارده راویسی مضبوط اولمایان وقسم اعظمی مجروح کیمسہ لک مروایاتی بولونان روایات تاریخیہ وکتب محاضراتہ و آثار ادبیہ مقیس اولمایہ حق درجہدہ اہمیتی ، صدر اسلام سوزلرندن اولماسی اعتباریلہ چوق قیمتلیدر .

علم حدیثہ طائد ؛ اولدقہ اہمیتی ظن ایلہدیکم بعض فوائدک ایرادی بومقالہ بی دہ نصابہ ایصال ایلہدیکی جہتلہ بالضرورہ بونی دہ بورادہ بیراقہ جقم . اثرک معناسی ایلہ دیگر مبحثی اوچنجی مقالہ بیہ بیراقیورم .

رلد جلی

اسلام انتباہی

میسور تشکیلندہ فارشی جاوا مسلماننرینک مجادلری

اخیراً (جاوا) نک (وہ لہ ووردن) شہرندہ «الذخیرۃ الاسلامیہ» نامیلہ ایلق بر مجموعہ انتشارہ باشلامشدر . بو مجموعہ نک باتس محوری « احمد بن محمد سورکش الانصاری » عن اصل سودانلیدر . فریضہ حجتی ایفا ایتک اوزرہ سوداندن (مکہ مکرمہ) یہ کیتمش ، برمدت بیت اللہ مجاورت ایتدکن صو کرہ اون درت سنہ مقدم (جاوا) دہ کی اسلام جمعیتلرینک دعوتیلہ جاوا یہ عزیمت و اورادہ توطن ایتمشدر . موصی الیہ ، عمر رضا بک برادریمزہ کوندردیکی بر مکتوبدہ ، جاوا یہ مواصلت ایتدیکی زمان کوردیکی منظریہ شو صورتلہ توصیف ایدیورہ : « جاوا یی منتظم مدارس اسلامیہ دن خالی بولدم . حال بوکہ خرسیتیان میسیونرلرندن ، (بودا) دیننہ دعوتلہ مشغول دین ناشرلرندن بویوک برکتیہ ایلہ قارشیلانمشدم . بو میسیونرلرک ناشر افکاری اولارق برچوق غزتلر و مجموعہلر باصلیور . بیکار جہ خرسیتیان مکتبی خرسیتیانلری نشر و تعمیہ چالشیور . بومکتبلرک یانی باشندہ محققم خستہ خانلر ، ایتم و فقرایہ مخصوص مؤسسہلر قائم بولونیوردی . بوتون بو خرسیتیان مؤسسہلرینی منسوب اولدقلری حکومتلر حایہ ایدیوردی . راہلرہ میلیونلر جہ رویہلر ویریوردی . بوندن باشقہ بو میسیونرلرک اصل مملکتلرندہ کی قوتلی ، زنکین وفعال جمعیتلر بولرہ ہر یاردیمی ابدال ایدیور ، ہر واسطہ ایلہ مقصدلرینی تحقق ایتدیرملرینی تسہیل ایلہ یوردی .

دیگر طرفدن علمای اسلام فقر وفاقہ دن ، وسائطلرلکدن پاک آجینہ جق بر حالہ ایدیلر . معافیہ بز مقابل طرفک بوتون بو قدرتی استعمار ایدرک « نیجہ ، نیجہ دفعہلر کوچوک بر غرقہ ، اللہک یاردیمیلہ ، بویوک فرقہ لہ غلبہ چالدی ! » آئینی اوقویہ رق و « اللہک مؤمنلرہ یاردیمی محقق » اولدیفنہ دائر قرآن کریمک تبشیراتی وردزیان ایدرک جدالہ باشلادق . جناب حقہ بیکار جہ شکر برچوق ظفرلر قازاندق . الحالہ مذہ برچوق جمعیتلر ، بش بیک طلبہ یی استیعاب ایدن منتظم مدرسہ لرمز و بولردن نشئت ایدن برچوق معلم

بو عجزدہ بو کفایتلرلکہ بر قابودانہ بر واپوری تسلیم ایدوب دہ بحر محیطدن آمریقایہ یولجی ایدیلیری ؟ بو ؛ اولسہ اولسہ بلکہ - ارشادہ غیر مأمور - بعض خاصۃ اللہ ایچین تجویز اولونہ بیلیر . بالادہ کی تفصیلاتدن شو نتیجہ جیقہدی . بواثر شریف علم حدیث مقتضاسنجہ ہیچ بر محدثدن (حدیثا فلان عن فلان) دیہہ تارسلو اللہ اقدیمز حضرتلرینہ قدر مرفوع اولہرق ایشیدلمہ مش ویا خود کذلک (مرسل ، منقطع ، ضعیف) وحتی موضوع اولہرق دہ روایت ایدلمہ مش . اوندن طولانی حدیثیلر (ثابت) دکلدہر ، دیسورلر . چونکہ (موضوع) اقسامندن اولمق دہ علماً بر ثبوتدر . اقسام حدیثندن الک صوک بر قسمدر . صو کرہ دہ حدیثہ کی بومراتب ؛ قطعی دکلدہر . بالادہ بر آز بحث ایلہدیکم وجہلہ ہر محدثک انواع حدیث و اقسام رواۃ حقندہ بر اصولی وار . امام بخاری ایلہ مسلم ؛ رواتی تزکیہ خصوصندہ چوق مدقق اولدقلری وعہد نبوتہ قرینلری حسبیلہ اوچ بطن اول کچن تابعی و دیگرلرینی تحقیق ایدہ بیلرلر فرض ایدیورلر وروایت ایتدکلری احادیثک قسم اعظمک صحیحندہ کرک معاصرلری وکرک صو کرہ کان اجلہ محدثین اتفاق ایدیورلرسدہ یہ (کمال الدین ابن الہمام) کی بعض محققین بو ایکی کتابک دہ دیگر کتب صحاحدن ہیچ فرقی اولمادیغنی ، بولردہ دہ تضعیف ایدیلہ جک حدیث اولدیغنی ورجال حدیثلرندہ یالانچیلانی سویلہ نیلن کیمسہ لر بیلہ بولوندیغنی وداہا بو یولہ آغیر جہ اتہاماتی پرواسز جہ سویلہ مشلردر . بو اتہاماتک بر چوغی نفس شروح بخاریدہ بیلہ بر تفصیل موجوددر . بوراسی تفصیل بری اولمادیغندن شونی سویلہ یہ ہم کہ علم حدیثہ منتسب اولمایان بر عالم بر حدیث روایت ایتسہ ولو کہ عصرک غزالیسی بیلہ اولسہ اعتماد ایتہ یوب اہلندن تحقیق ایستر . حمد اولسون بو کون علمای کرامک بزہ بیراقدقلری اصول وقواعد و تحقیقات پیشمار سایہ سندہ نیجہ بیکار جہ احادیثک صحیحہ - قدرت بشریہ داخلندہ - وصول قابلدر . وبوسایہ دہ بخارینک بش اون ، مسلمک یکرمی اوتوز قدر حدیثندن ماعدا جہلہ سی صحیحدر . او احادیث معدورہ دخی رواتی جرح ایدلمک صورتیلہ قبل و قالہ معروض اولمشلردر . و ہیچ بروقت (موضوع) - کلردر . احادیثک ہیچ بر قسمی بر قطعیت ریاضیہ ایلہ تحدید ایدلمہدیکی جہتلہ اشو (من عرف الخ) اثرینک ثبوت بولمامہ سی کندیسندن صدور اسلامہ طائد اولقلانی و اصول اسلامیہ دن بر اصلہ موافق اولقلانی سلب ایلہ مز . چونکہ عزو ایدلدیکی ذاتلر صدر اسلامک الک بویوکلرندندرلر . بولردن اصول اسلامیہ مباین ویا خود مباعد بر کلام صادر اولہ مز . صو کرہ بو کلام ؛ بولرک کندی سوزلری اولدیغنی دہ مشکو کدر ، کلام رسول اللہ اولمق اوزرہ روایت ایدلمہ سی دہ محتملدر . نیتہ کیم دیگر بر حدیث ایلہ ہم مآلدہر . و بر آیت کریمہ نک مضموننک عینیدر .